

دائرة مخصوصه

در سعادتده باب عالی جوارنده

محل اداره :

مشرط قلم

اخطار :

مسلكمنزه موافق آثار جديده مع المنويه
قبول اورانوز

درج اينده بين آثار اعاده اولتاز

دينه، فلسفه، علوم، حقوق، ادبياتده و سياسياتده و باطاحه كرك سياسي و كرك اجتماعي و مدني احوال اوشونه اهميه ديه بحث ايدر و هفته ده بر نشر از انوز.

آبونه بدلی

سنه لکی التي آیلنی

ممالك عثمانیه ایچون	۸۰	۴۰	غروش
روسیه	۶۰	۳۰	روبله
سائر ممالك اجنیه	۱۷	۹	فرائق

صاحب و مؤسسلری :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

قیرله دن مقوا بورو ایله کوندریلیرسه سنوی
۲۰ غروش فضله آلنیر

عدد : ۶۹

۱۷ ذی الحجه ۳۲۷ پنجشنبه ۱۷ کانون اول ۳۲۵

اوچنچی جله

حضرت امام، فکر و اجتهاد چه نقطه منتهای اعتلایه قدری بکشد کدن صوکره الك اول بتون مسائل فقهیه بی، هپسینی بردن نظر تدقیقه عرض ایتدی، بونلری صورتلرندن کیفیتلرندن، خلاصه عوارض و شخصیاتلرندن تجرید ایدرك علم فقهك روحنی كشف ایتدی؛ دیدی، که:

علم فقه . — نفسك كندیسیچون فائده لی و ضرر لی ارلان شیرلی بیامسیدر...

اشته علم فقه بویله چه روحیه، حقیقیله تحدید اولندقدن صوکره اجتهاد، بتون مشکلات عارضیه دن قورتیله رق بر قولایلق کسب ایتمش بولنیوردی. بوکا قادار ایسه اجتهاد ایچون بر موضوع معین معلوم دکلدی: ساحده بروسعت، برعمومیت، بناء علیه محل اجتهاده بر مهمیت موجود ایدی. ایشته علم فقهك تحدیدیه اجتهاد ایچون منافع انسانیه ایله مضراق آراسنده کنیش فقط معلوم بر میدان آچیلدی. بومیدانده هر متفکر، هر مجتهد ایستدیکي قدر آت اویناده بیله جکدی. امامك بو تعریفی نه قدر علوی... تاریخ اجتهاده علم فقه ایچون دها بویله بر تعریفه تصادف اولنه ماز. شرعی اولمقله برابر فلسفی؛ فقط انسانیه، حیائمه تماس ایدر بر فکر عالینك محصولی.. علم فقهك انسانیت اوزرینه بر بار ثقیل، بر تکالیف شاقه تحمیل ایتك ایچون وضع ایدلش اولیوب بلکه غایه املك سعادت بشر اولدیفنی اعلان ایدر.

فقط بزهر وقت یابدیغمز کبی بوراده الفاظه، ظاهره بوغولوب قالمشز؛ بزبو تعریفی از برلش؛ متنی، صرفی، نحوی... اوله رق تحلیل ایلشز؛ فقط بونلردن هیچ بری بزم حقیقی، روحی آکلایه بیلمه مزه یاردم ایتماش؛ بز دائما الفاظ حالی اولوب قالمشز. حالاده اوله یز. بو تعریف اکلاشلش اوله ایدی، بز علم فقهی بویله محدود بر قاج دستور دن عبارت ظن ایدر مبدك. بو صورتله مقدس اسلامیتك دشمنلری طرفندن طعن و تشنیع ایدله سینه کنیش فقط منحوس بر یول آچار میدق؟ بز بو تعریفی حقیله آکلامش اوله ایدك، نفوس انسانیه نك له و علیهنده اولان شیرك عدم محدودیتی میدانده دورورکن «باب اجتهاد مسدوددر» دیمکه جسارتیاب اولور میدق؟!..

ایشته حضرت امام علم فقهی بویله چه تحدید ایتدکدن صوکره اجتهاده باشلادی.. اجتهاد ایچون، فقه ایچون الك مهم اولان قوانینی وضع ایلدی. بو صورتله اجتهاد، فقه هپ کسب سهوات ایدیوردی. چونکه ارتق بونلر بر منطق دائره سینه کیریوردی. دیگر جهتدن فقه اسلامده — عراق مکتب فقهیسی داخلنده — بعض تعدیلات و تهذیبات اجرا ایتدکدن صوکره تصنیف و تدوینی اجرا ایتدی. بالاده عرض ایتدیکمز وجهله عراق مکتب فقهیسی بر شخصیت ارتق، منتهای تکامله ایرشمك اوزره بولنیوردی.

علم فقه ایچون وضع ایتدیکي تعریفدن دخی آکلاسلدیفنی اوزره امام حضرتلری اجتهادنده، حل مسائلده، افتاسنده دائما بر مقبولیت، دائما بر سهولت کوسستریر. اول حضرته اسناد اولنان مسائلک،

مجتهداتك، اصول وقوانینك تعلیلاتی، تمسکاتی نظر اعتباره آلیرسه بو حقیقت بتون وضوحیه میدانه چیقار.. بو حالی دخی حضرت امام کندی اجتهادك بر نتیجه سی اولق اوزره قبول ایتمشیدی. حضرت امام بتون بونکه برابر نقله دخی پك بیوك اهمیت عطف ایتکده بولندیغندن اخبار آحادی اقیسه صحیحیه تقدیم ایلردی. بوده اجتهاد ذاتیسی ایدی.

اشته عراق مکتب فقهیسی شو عرض ایدیلن ایکی اجتهاد ایله حجاز مکتب فقهیسی سندن، تعبیر دیگرله مذهب حنفی، مذهب مالکی سندن آریلیوردی. شو ایکی مکتب، شو ایکی مذهب آراسنده اولان بتون اختلافاتك شو ایکی اصله رجوع ایتدیکي کوریلیر.

[صوکی وار] قزانی حلیم ثابت

»»»

فرانسجه بر رساله دن:

ژاپونلرك ۱۹۰۹ سنه سنده کی قواسی

ژاپونلرك زیاده علوم وفنونك تطبیقات عملیه سنه اهمیت ویردکلرندن اوروپالیلرك صرف فلسفی اولان افکار ومعلوماتلرینه پك اوقدر اعتبار ایتزلر. بونلره ایشسز آدمرك وقت کچیرملرینه یارایان مناقشات بی سود نظریله باقارلر. اوروپالیلرك اخلاقه، بیسقولوژییه، دینه عائد مباحثاتندن برشی کلامازلر رومان وسائره کی اویدورمه شیردن دوییلان ذوقه، لذته قطعیا بیکانه درلر.

اهالینك حتی الك آشانی طبقه سی بیله اجنیلره قارشى، تبصصدن عادیلکدن عاری اولق شرطیله، صوك درجه یه قدر اثر التفات و نزاکت کوسستریرلر. فقط اجنیلر ژاپونلرك کنیدیلرینه قارشى نه کی بر فکرده بولندقلرینی یعنی نخوت وطن پرورلری ایجاباتندن اوله رق دائما اجانبه دشمن نظریله باقدقلرینی بیلیرلر.

محاربه اخیره دنبری ژاپونیا قوای عسگریه سنده مشهود اولان ترقیاتك یگان یگان تعدادینه بومقاله متحمل اولدیغندن بو ترقیاتدن برنبذه بحث اولنه جقدر.

ژاپونیا ده فرقه لر اوروپا قول اردولری صورتنده تنسیق وتشکیل ایدلمشدر. مسئله زائله ده ژاپونیا ده اون اوج فرقه موجود اولوب بونلردن بری خاصه فرقه سی ایدی. وهله اولی ده بو قدر ضعیف کی کورینن شوقادرولرك ۱۹۰۴ سندسندن ۱۹۰۵ سنه قدر ۷۵۰۰۰۰۰ عسکری سفر برحاله وضع ایتدیکي مع الاستغراب مشاهده اولمشدر. بدایت محاربه ده بهر فرقه نك موجودی ۱۱،۴۰۰ پیاده، ۴۳۰ سواری، ۸۳۰ استجکام افرادیه ۵،۵۰۰ صف حربیه غیر داخل افراددن، ۳۶ طوپدن عبارت ایکن بونلره برلوا علاوه ایدلدی. لوالر ایکی آلایدن آلایلرده «قوبی» ایکنجی احتیاط افرادندن متشکل ایکیشر طاوردن عبارت ایدی. «لیا اوتونغ» محاربه سندن صکره فرقه لرك عددی اون التیه ابلاغ، دیگرلری کی بونلرده «قوبی» آلایلری علاوه اولندی. موقدن محاربه سنده اوج طاوردن متشکل

آلایرک موجودی بشر، «قوبی» آلایرینک موجودیده اوچربیک کشی ایدی. ژاپونلر بوسایه ده جهه ده ۴۳۰,۰۰۰ کشی بولندیرمغه موفق اولدیلر. ژاپونلرک اخیراً نه صورتله تریدقوا ایتدکری آتیده کی جدولدن آکلاشیلیر.

۱۹۰۴ ده	طابور پیاده	سواری بلوکی	طاغ و صحرا بطاریه لری
۱۶۸	۵۹	۱۱۴	
اغیرطوبچی طابورلری	استحکام طابورلری	مخابره بلوکلری	
۱۹	۱۴	۱	شمندوفر ۱ تلغراف
۱۹۰۹	۲۴۴	۸۹	۱۶۱
۲۸	۱۹	۳	۱ تلغراف ۱ بالونچی
	موظف	احتیاط	
۱۹۰۴	تقریباً	۸۰۰۰	؟
۱۹۰۹	"	۱۰۰۸۸	۵۰۳۴

مستحفظ ضابطانی

؟

۳۰۶۰

هرسینه نشأت ایدن ضابطانک مقدری آتیده کی جدولدن اکلاشیلیر:

۱۹۰۷	۱۹۰۶	۱۹۰۵	۱۹۰۴
۱۰۵۴	۱۰۶۸	۱۲۳۸	۵۴۹

عسکر بیننده کی وحدت سلوک و اداره بی تأمین ایچون صنوف مختلفه عسکریه امرا و ضابطانی سنه ده سکز کون حریبه نظارتنده طوبلانیرلر. بوائنده برچوق قونفرانسیر ویریلیر. بوندن بشقه بتون فرقه قوماندانلری سنه ده برقاچ کره توکیوده اجتماع ایدرلر. خصوصیه بعض مسائل محتمله حقنده تملیات اعطاسنه لزوم کوریلیرسه بویولده اجتماعات وقوعبولور. بحریه امرا و ضابطانک کافه سی ده بواجتماعانده حاضر بولنور. ژاپونلر صنوف عسکریه بیننده محافظه روابطه صوک درجه یه قدر دقت ایدرلر. بواجتماعانک کافه سی هپ بو مقصده مستنددر. همان بتون فرقه لرک «شالون» و «مای» کی مانوره محللری وارددر. برچوق باراقه لری حاوی اولان بو میدانلرده نشان تعلیمی ده ایدیلیر. یکدیگرینه قارشی چیقان ایکی فرقه طرفندن اجرا اولنان بیوک مانوره لر بعض مراسم مخصوصه ایله ختام پذیر اولور. اوقات سائرده کیمسه یه کورنمین ایمپراطور بوائنده عسکرله برابر بولنور. مانوره بیتدیکی کون برضیافت ویرر. ایکی فرقه نك بتون ضابطانی بوضیافتده حاضر بولنور. بیوک برچادرک التنده نیم بیضی برسفره ایله بیضینک نصف قطرلری شکلنده دیگر برطاقم سفره لر قوریلور. سفره نك اورته سنده یالکز ایمپراطور بولنور.

یمک آیاق اوزرنده ینیر. وبرقاچ دقیقه امتداد ایدر. ضابطانندن یک ایلرو کلنلرینک ایمپراطورک حضورنده برقدح «زاک» ایچمه لرینه مساعده اولنور.

صوک بیوک مانوره لره ایلک دفعه اوله رق اجنبی ضابطلری ده قبول ایدلشلر ایدی.

ژاپونیا حکومتی قوای بریه سنی نصل بر حال تکمله ایصال ایتدیه قوه بحریه سنی ده اوصورتله تکمله ایصال ایتشددر. بوکون ژاپونیا نك «فوزی» زرهلیسی کی ۱۲۰۴۰۰ و «قاشیا» کی ۱۶۰۴۰۰ طونیلار. تولق اون ایکی قطعه زرهلیسی اون ایکی زرهلی قرووازوری وارددر. بو قرووازورلرک ایکسی ۱۳۰۸۰۰ طونیلار تولقددر. بونلردن بشقه غایت مکمل بر صورتده تجهیز ایدلش، ۲۹ میل سرعت سیره مالک الی اوج عدد طوریدو سفینه سی ده وارددر. بوسفائنه تعمیر واکال ایدلک اوزره بولنان بش زرهلی ایله ایکی زرهلی قرووازور دها علاوه ایدلیدر. بونلردن «قاواشی» و «زه تجو» اسمنده کی زرهلیلر یکر میشر بیک، قرووازورلرده اون دردر بیک التیشیر یوز طونیلار تو حجم استیعاییسنده در. بوکیلر ۱۹۱۱، ۱۲، سنه لرنده دونمیه الحاق اولنه جقددر. اوروپاده «دره دناوت» سیستمی هنوز معلوم اولمغه باشلادینی بر صروده ژاپونلر کندی ترسانه لرنده ۱۹۰۰ طونیلار تولق «زاجوما» و «اکی» زرهلیلری ترسیم وانشا ایدلشلر ایدی. «دره دناوت» ایسه ۱۸۰۰۰ طونیلار تو حجم استیعاییسنده اولوب وسط چاپده طویلری ده یوقدر. بونلردن ماعدا ایکی زرهلی و بش قرووازورله اوتوزدن اوتوز بش میله قدر سرعت سیره مالک و بیک طونیلار تولق بر طوریدو مخربینک ده پلانلری تنظیم اولمشدر. خلاصه کلام اون التی قطعه زرهلیدن متشکل امریقا فیلوسی «قوبه» یه کلیدی صروده ژاپونلرک اون ایکی قطعه زرهلیلریله اون ایکی زرهلی قرووازورلری یعنی یکر می درت قطعه حرب سفینه لری الی اوج قطعه ده طوریدو لری واریدی. ۱۹۱۲ ده اون بش زرهلی اون بشده زرهلی قرووازورلری اوله جقددر.

آمریقا فیلوسی قوماندانی قونتر امیرال «سپه زری» طرفندن غزته لره کوندریلان ۲۵ شباط سنه ۹۰۹ تاریخی تبلیغنامه ده ژاپونیا دونماسنک قوه تجاویزه دن محروم اولدینی، موجود سفائیلله — کندی سواحلی مستثنی اولدینی حالد — بحر محیط کیرده جدی برایش کوردمیه جکی بیان ایدلش ایدی. امیرالک فکر نجه ژاپونیا نك قوه بحریه سی بش التی قطعه کهنه حرب سفینه سنندن عبارت اولوب سفائن جدید انشا ایدلیور ایدی. حالبوکه بالاده کی تفصیلات حقیقت حالک بومرکزده اولمیدینی کوستریور.

مع مافیه امیرالک سوزنده طوغری بر نقطه وارددر. چونکه ژاپونلر مسئله زائله ده روسیه دن الدقلری کیلری تعمیر ایدیلورلر. امیرالک بش التی کهنه کی دیدیکی بونلر اوله جق. بوسفائنه برابر سفائن تجاریه ده نظر اعتباره آلمیدر. چونکه هرسنه سفر برلک پلانی تنظیم ایدلیدیک ائشاده بو کیلردن باشلیجه لرینک وظائفی تعیین اولنور. فی یومنا هذا ۱۰۶۰۰ تجار سفینه سی وارددر، مجموع حجم استیعاییلری ۱۰۱۱۵۰۰۰ طونیلار تولددر. بونلرک یکر می بر دانه سی التیشیر بیک طونیلار تولقددر. سرعتلری ۱۶ دن ۱۸ میله قدردر.

محاربه زائله دن بری ژاپونیا نك قواسی یوزده طقسان درت درجه سنده تزیاید ایتشددر. براز صکره فرقه لر اوج آلایدن تشکل

ایده جکدر. پیاده نفراتنک مدت عسکریه لری ایکی سنه به تنزیل ایدلسی (صنوف سائره افرادینک مدت عسکریه لری اوچر سنه در) معلم افرادک سرعتله تزیاد مقدارینی موجب اولیور.

«فورموز» اطه سی ده داخل اولدینی خالده ژاپونیا نك مقدار نفوسی ۵۲۰۸۰۰۰۰۰۰ راده سنه در. هر سنه ۸۰۰۰۰۰۰ نفوسی تزیاد ایتکده در. قوای موجوده سیده ۲۰۸۶۵۰۰۰۰ کشیدن عبارتدر. ژاپونلر صوك محاربه یی متعاقب قوای بریه و بحریه لری تزیید و اصلاحه لزوم کوردکارندن حیرت فرمای عقول دینه جک، جمله سنک تعدادی موجب اطناب اوله جق اصلاحاته ایتدار ایتدیلر. ژاپونلرک کچن محاربه ده ویردکاری تلفات ۷۸۰۰۰ کشیدر. فقط آغیر صورته مجروح اولانلرله تکرار خدمت عسکریه ده استخدا ملری ممکن اولیه جق معلولین داخل حساب ایدیلر جک اولورسه عدد ضایعات ۲۴۰۰۰۰ ی بولورکه قوای موجوده لری نك ثانی دیمکدر. اروپا اردولرینک هیچ بریسنده تلفاتک بو مقداره بالغ اولدینی کورله مشدر. بو حال افرادک خارق العاده شجاعت و متانتدن منبعثدر. مظفریتک تأثیر اعجاز نمونیه اروپا عسکرینه تفوق اعتقادی بو متانتک بو شجاعتک کیتدکجه تزیادینی موجب اولیور. چونکه ژاپونلر ۱۹۰۰ سنه سنده ظهور ایدن چین محاربه سی اثنا سنده اروپا عسکریه «یکین» ده وقوع بولان اختلاطلری نتیجه سنده انلرک نه اولدقلرینی اکلا دیلر واقعا بعض جهتلرجه اروپا عسکرینی تقدیر ایتدیلر دکل. فقط شجاعت و بسالتده انلرک کندیلرینه معادل اوله میه جغه قناعت حاصل ایلدیلر. ژاپونیا ضابطانی افراده قارشی فوق العاده حسن معامله ایدر، دائماً معتلرندمکی عسکرله مشغول اولورلر. عمومیتله صباحلین ایرکندن قشله یه کیدرلر نادراً ساعت بری کچرک قشله دن مفارقت ایدرلر. ضابطان افرادک تعلیم و تربیه لری نه، کندی معلومات عسکریه لری نك توسعه وقف حیات ایتمشلردر. بونلردن بشقه برشله مشغول اولمازلر قشله لرده کی سالونلر مطالعه و تحصیل خصوصنی صوك درجه یه قدر تسهیل ایلشلردر. نه رتبه ده اولورلر سه اولسونلر ضابطانک کافه سی اوله یمکنی برلکده یرلر. یمکری براز یرنجله بالقدن وشکرسز چایدن عبارتدر. سفرده جوق اوتورمازلر. یمک ایچمک خصوصنده نفرات کچی ضابطان ده غایت قناعتکار و اعتدال پروردلر.

افراد «بوشیدو» اصولی وجهله تعلیم و تربیه ایدیلر. بوشیدو جنکاورلکه عائد قواعد اخلاقیه دستوریدر. بوشیدو قواعدی محرر دکلدر. فقط بتون افرادک ازبرنده در. بو اصول بر عسکر ایچون لازم کلن اوصاف و مزایانک کافه سنی جامعدر. بوشیدو لغتی «شووالیه اصولی» دیو ترجمه اوله بیلیر. احتوا ایلدیکی اصول و قواعد ابا عن جد ژاپونلر انتقال، قلبرینه انتقاش ایتش اولان مآثر حماستدن عبارتدر.

بوشیدونک احتوا ایلدیکی قواعد اخلاقیه ژاپونلرک اعماق روحه نفوذ ایللمشدر. انک تأثیری نتیجه سی اوله رق «محاربه ده ارواح

اجدادک اطرافزده جولان ایتدیکنی کوریور ایدک. انلر بزه یاردم ووظیفه منی تعیین ایدرلر ایدی» دیرلر. انلرک صوك درجه یه قدر موتی استحقاق ایتلری بو اعتقادک نتیجه سیدر. اولدکدن صکرمه ارواح گذشتکانه التحاق ایده جکلرینی، عائله لری طرفندن پرستش اولنه جکلرینی بیلیرلر. محاربه دن صکرمه اجساد اموات احراق اولنور، ضابطانک جسدلری آروجه یاقیلر و بر شیشه یه قونیلررق عائله لری نه کوندریلیر. توکیونک اک واسع بر میداننده کائن «شوقونشا» معبدی محاربه ده تلف اولانلرک تذکارنامه تخصیص ایدلمشدر. هر سنه بتون قهرمانلرک روحلری ایچون او معبدده عظیم بر آیین روحانی اجرا اولنور. بو آیینده ایمپراطورله ایمپراطور یچه وارکان دولت حاضر بولنور. عودت درت صره یابانی کراز اغاچلری غرس ایدلمش اولان بیوک بر جاده دن وقوع بولور. نیسانده بو اغاچلر چیچک اچار، غایت نظر ربا برطاق مزهر تشکیل ایدر. ژاپونلر او زمان مشهور شاعرلری «موتو اوری» نك شو سوزلرینی تخطر ایدرلر «اگر بری سزدن ژاپونیا لیرک روحی نه در دیه سؤال ایده جک اولورسه کونشک عکس انوار یله شعله نثار اولان یابانی کراز اغاچلرینک چیچکلرینی کوستریکنر محاربیلر انسانلرک کافه سنه تقدم ایلدکاری کچی بو چیچکلر ده ایلک بهار چیچکلرینک کافه سنه تقدم ایدر.»

ژاپونلر تنسیقات عسکریه لری نك تکملک صوك درجه سنه ایصال ایلدکاری کچی مسلک لری نه کچن ۱۹۰۳ سنه سنده وفات ایدن انکلز فیلسوفلرندن مشهور «سپه نسر» ک وصایا سنه توفیق ایدیلر. «سپه نسر» برنس «ایتو» یه تبلیغ ایدلمک اوزره ژاپون ارکان حکومتدن برینه بعض وصایای حاوی بر مکتوب کوندرمش بو مکتوب ۱۹۰۴ کانون ثانیسنده تأیس غزته سی طرفندن نشر ایدلمشدر. انکلز فیلسوفنک بو مکتوبی ژاپونیا حکومتی طرفندن تعقیب ایدلسی لازم کلن مسلک سیاسی متضمن در؛ مندرجاتی شو صورتله خلاصه ایدیلر بیلیر «امریقا لیلرله اوروپا لیلردن مهمما ممکن اوزاق طوریکز، اجنیلرک مملکتکزدده ممکن اولدینی قدر آز تمکن ایده بیلملری ایچون سزدن دها قوتلی عرقلره قارشی صوك درجه یه قدر احتیاطکارانه حرکت ایدیکز. هیچ بر ملتک مملکتکزدده تمکن ایتسنه راضی اوله یکنز، بوندن دائمی تهلکه بر طاقم اختلافات ظهوری ملحوظدر. اجنیلرله امتیاز و یرمه یکنز خصوصیه اجانبیدن هیچ بری مملکتکزدده صاحب ملک اولسون. مملکتکزی اجانبه قونطوراتو ایلله ایجار ایتوب اجانبک ایجار سنوی صورتیه اقامت ایتلرینه مساعده ایدیکز حکومته بیله عائد اولسه اجنیلرله معدن امتیازی و یرمه یکنز چونکه کرک انکلتره ده وکرک ممالک سائر متهمنده اجنبی مأمور و تاجرلری طرفندن روایت ایدیلن شیلرله اعتماد اولندیغندن و یردیکنز معدن امتیازاتی سزک علیه کنزه بر منبع اختلافات تشکیل ایدر.

ثالثاً ساحل تجارتی الدن چیقارمه یکنز. اجنیلرله ازدواج بختنه کلنجه بونی صورت قطعیه ده منع ایتلیسکنز. بو بر مسئله فلسفیه

مباحثات

خطبه لره دأثر

جوامع شريفه لرمزده قرائت اولمقدمه بولنان اسكى خطبه لرك يكيدن تحرير وتلاوتى وترجيه ده ترجمه سى بعض ذوات فضائلسمات طرفلرندن ارزو قلمقدمه اولدينى صراط مستقيمه كورلمكده و غايت طويل نمونه لريده درج اولندينى منظور فقيرانه اولمقدمه در . شو بيانات ، سائقه حسن نيتله وقوع بولمقدمه ايسه ده ، بعض محاذيرك دريش قلنه مامسندن منبعث ايدوكى محتمل اولديغندن ، برنجى درجه ده خطبه لرك ترجمه سى بدعت سيئه قيلندن كوريله چكى كى ، سلاست وتأثيراتى ده مفوت بولنه جنى جهته ، عند العلماء جائز كوريله ميه چكى طيعيدر .

درجه ثانيه ده ايسه جمله نك معلومى اولدينى وجهله مثلاً قرق سطرلى اوزون خطبه لر من القديم عربستانده بلا تقي قرائت اولنه . كلكده واكثر اهالىسى ترك اولان بلاد سائره ده ايسه مختصر اوله رق طرز مخصوصده كذلك قديماً قرائت وتلاوت اولمقدمه اولمسنه و طرز مذكور ايله اوزون خطبه او قومسى ايسه جماعتك اكرتيسنك معانيسنى اكلايه ميه جقلى و قرائت ك اوزون سوره چكى ملايه سيله تنفير جماعتى موجب اوله جفندن مواعظ مفيده يى شامل مختصر اوله رق علماء اعلامك ترتيب خطبه ايله خطبا افديلره هديه بيورملرى لازمه حالدن كوريلور اخوان دينه نمونه اوله رق موضوعنى عاجزانه تهيه وبريد فضيلت ايله تصحيح ايتديرديكم خطبه نك معروضات عاجزانه مله برابر جريده فريده لرينه درج ونشرى خصوصيه همت بيورملرى متمنادر افدم . قوجه مصطفى باشا جامع شريفى خطيب وكلى

حافظ الشيخ محمد الجلو تى

الحمد لله الذى امر المؤمنين بالمشورة وبمحافظة حقوق العباد
واسس احكام الدين على العدالة وجعله سبيلاً لعمران البلاد
فسبحان الذى علق نظام امور الدنيا والاخرة على الرشد والسداد

شهد

الذى نهى عن المعادات والنفاق والشقاق وامر الوفاق والمحادنة والوداد
ونشهد

الذى شاور اصحابه فى الامور ونهاهم عن الظلم وهتك الحقوق بالاستبداد
ص

موعظه : ايها الاخوان اعلموا ان الله تعالى خلقكم من نفس واحدة
وامركم بالاخوة والاتحاد . ورجع الحرية على الاسارة ترجيحاً وسوى .
الحقوق لفلاحكم فى المعاش والمعاد ، فاستعدوا لترصين اسباب القوة
العثمانية وشوكتها واستكملوها باحسن الاستعداد . وبادروا وحافظوا على
شرف بلادكم بالعمارات العالية وجلال اثار الاقتصاد . عن ابى هريرة
رضى عنه

دكل مسئله مبحث الحياتدر . زيرا كرك انسانلرده وكرك حيوانانده
اجناس بينندهكى تفاوت اعتدال درجه سنى كجرسه نسلك ابي اولمدينى
فناً ثابتدر « سبه لسر » بو مكتوبنده چينليلرك امريقيه هجرتلرندن
بختله بو مهاجرت دوام ايدجك اولورسه نتيجه سى اضمحلاله
واره جنى بيان و زابونيانك ايلريده مسلك محافظه كاري سندن انحراف
ايتمى محتمل اولمقله برابر شمديلك بو مسلكى محافظه ايتمى لزومى
درميان ايدور .

فريد

خطبه

٧

الحمد لله الذى سهل عظام الامور لاهل العزائم . الحمد لله الذى
انجد الدين بأهل النجدة اهل المكارم . الحمد لله الذى نبه العقول ليقوم العقلاء
باللازم . الحمد لله الذى له الخلق والامر وبيده تمام النظام . استغفروه واشهد
ان لا اله الا الله الملك الديان الذى على دينه يغار . واشهد ان سيدنا محمداً
حفظ الدين ووصى بحفظه ابناء الاسلام . اللهم صل وسلم على هذا النبي مادامت
السموات وما دام للدين اعوان وانصار وعلى آله اصحاب المكارم واصحابه
اهل الكلام وسلم تسليماً كثيراً . « اما بعد فيا عبدالله » جاء العيد وقدمنا
التهنئة بقدمه وها هو قد انقضى فهل تقدم التعزية بانقضائه . جاء ومضى
بمضيه من العمر جزء ومن الذى لا يعزى بمضى جزء من اجزائه . جاء
فكانت ايامه ايام سرور ومضى ولم ندر ماذا كتب على العبد من سعده
وشقائه . جاء ومضى وهكذا كل شئ الى الزوال يؤل . جاء فتجملت
بالثياب وما احسنه واحسنك لتجملت بالثياب من ذنبك . جاء ففرحت بلقاء
الاحباب وليتك تذكرت موعد اللقاء بربك . جاء فتحررت الضحية
وافضل النحران تخر الشيطان تطهير القلبك . جاء ففرغت من عمل الدنيا
وحبذا لو شغلت بالعمل بدين الرسول . مضى عيد وعيد وانت ولا وعيد
يروحك ولا ترغيب ينفعك . جاء خطيب ونزلت خطوب وانت لا الخطيب
يقنعك ولا الخطوب تقنعك . جاءت ايام ومضت ايام وانت لا السنة تربطك
ولا الكتاب يجمعك . صار ماصار وانت للمطلوب لانعمل وعما حرم
لا تحول . الا عباداتى مضت ايامها اعوام من عمرك القصير محسوبه .
والزمن الذى يأتى يمضى شئاً فشيئاً حتى تنتهى مدة الاجل المكتوبه . نعم
من مضت بالصالح ايامه نمت بالفلاح اعماله واعمال الصلاح مطلوبه .
فجدوا جهده سى ان يتم المراد وتحظى بالوصول اتق الله فالبلاد بلاد الاسلام
والعمل عمل اهل الجاهليه . اتق الله فمن قارن بين الاسلام الآن وبينه
فما كان رآه فى اشد رزبه . اتق الله فالاسلام من اهل الانام شكالى خير الانام
بل الى رب البريه اتق الله والنصر مضمون والنجاح مأمول . روى احمد
عن معاذ بن جبل انه سأل النبي « ص » عن افضل الايمان « قال ان تحب الله
وتبغض لله وتعمل لسانك فى ذكر الله قال وماذا يا رسول الله قال وان
تحب للناس ماتحب لنفسك وتكره لهم ماتكره لنفسك صدق رسول الله -

على شيخ العرب